

Na osnovu člana 21. stav 3. Zakona o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine („Službene novine FBiH“, broj: 15/05), a u cilju planiranja, kvalitetne izrade i transparentne provedbe planova pomoći održivog povratka, u 2012. i 2013. godini Federalno ministarstvo raseljenih osoba i izbjeglica objavljuje

JAVNI OGLAS
za podnošenje prijava/zahtjeva/projekata
za programe pomoći održivog povratka u cilju zapošljavanja povratnika
u Republiku Srpsku

1. Predmet javnog oglasa

Podnošenje *prijava/zahtjeva/projekata* pravnih i fizičkih lica radi pružanja pomoći u zapošljavanju povratnika iz Federacije Bosne i Hercegovine u Republiku Srpsku i to,

Programi pomoći za zapošljavanje u poljoprivredi:

1. Nabavka traktora i traktorskih priključaka;
2. Plastenička proizvodnja - plastenici i staklenici od 50 do 300 m²;
3. Izgradnja i opremanje stajskih objekata i farmi.

2. Pravo učešća

Prijavu/zahtjev/projekat na Javni oglas mogu podnijeti:

- Fizička lica-povratnici iz Federacije BiH u Republiku Srpsku;
- Pravna lica - registrirani pravni subjekti (poslovni subjekti, udruženja, lokalne zajednice, organizacije, asocijacije, zemljoradničke zadruge i sl.) čije su programske aktivnosti usmjerene na podršku zapošljavanju povratnika;
- Fizička i pravna lica koja izraze **spremnost učešća za sufinansiranje projekta minimalno 30% od ukupne vrijednosti projekta.**

3. Opći Kriteriji za fizička lica

Prijave/zahtjeve/projekte čiji je podnosilac fizičko lice treba **obavezno** da sadrži slijedeće dokumente:

- čitko popunjenu i potpisanu prijavu na Javni oglas, na obrascu koji je dostupan na web stranici Ministarstva www.fmroi.gov.ba ili se može preuzeti lično u prostorijama Ministarstva na adresi Terezije 56. Sarajevo;
- kopija lične karte podnosioca zahtjeva izdata u općini povratka;
- uvjerenje/potvrdu o ostvarenom povratku sa naznakom godine povratka (izdato od nadležnog organa / opštinskih kancelarija entiteskog ministarstva, ne starije od 6 mjeseci);
- izjava o spremnosti sufinansiranja u iznosu 30% od ukupne vrijednosti projekta (ovjerena od strane općinske službe za ovjeru potpisa ili kod notara);

4. Posebni kriteriji za fizička lica

Dokazi iz posebnih kriterija nisu obavezni ali će se vrednovati prilikom izbora korisnika:

1. ranija korištenost/nekorištenost finansijskih sredstava ili drugih oblika pomoći za održivi povratak (dostaviti izjavu ovjerenu od strane općinske službe za ovjeru potpisa ili kod notara, čiju će tačnost Ministarstvo provjeriti u internoj bazi podataka kao i kod svih relevantnih institucija i drugih mogućih donatora);
2. kućna lista izdata u općini povratka (ne starija od 6 mjeseci sa kopijama LK svih punoljetnih članova porodičnog domaćinstva, rodnim listovima ili dokazima o pohađanju nastave za djecu školskog uzrasta);

3. dokazi o pripadnosti ranjivim kategorijama (šehidske porodice odnosno porodice poginulog borca, RVI, porodica nestalih, bivši logoraši, civilne žrtve rata, demobilisani borci, samohrane majke, osobe sa invaliditetom i sl.);
4. biznis plan – projekat za djelatnost, sa specifikacijom potrebnog materijala, predmjerom i predračunom radova za projekte obnove i izgradnje objekata;
5. dokazi o postojećoj imovini i resursima potrebnim za djelatnost, kao što su: zemljište, objekti i druga materijalna sredstva (kopija ZK izvadka ili posjedovnog lista);
6. dokazi o ukupnim mjesečnim prihodima - primanjima podnosioca prijave i članova porodičnog domaćinstva (platne liste, ček od penzije, invalidnine, socijalne pomoći i sl.);
7. dokazi o radnom ili drugom statusu podnosioca zahtjeva i članova domaćinstva (potvrda o zaposlenosti/nezaposlenosti ne starija od šest mjeseci);
8. dokaz da je registrovana djelatnost ili poljoprivredno gazdinstvo, odnosno da je pokrenut postupak registracije kod nadležnog općinskog organa za obavljanje djelatnosti za koju se podnosi prijava;

5. Opći kriteriji za pravna lica

Prijava/zahtjev/projekat čiji je podnosilac pravno lice **obavezno** treba da sadrži slijedeće dokumente:

- čitko popunjenu, ovjerenu i protokolisanu prijavu na Javni oglas na obrascu koji je dostupan na web stranici Ministarstva www.fmroi.gov.ba ili se može preuzeti lično u prostorijama Ministarstva na adresi Terezije 56. Sarajevo;
- potvrda/uvjerenje nadležnog općinskog organa da su programske aktivnosti pravnog subjekta usmjerene ka zapošljavanju povratničke populacije (ako prijavu podnose udruženja, organizacije, asocijacije, zadruge, poslovni subjekti i sl.);
- izjava o spremnosti sufinansiranja u iznosu 30% od ukupne vrijednosti projekta (ovjerena od strane općinske službe za ovjeru potpisa ili kod notara);
- ovjerenu kopiju akta o registraciji (ako prijavu podnose udruženja, organizacije, asocijacije, poslovni subjekti i sl.);
- ovjerenu kopiju Statuta (ako prijavu podnose udruženja/organizacije/asocijacije i sl.);

6. Posebni kriteriji za pravna lica

Dokazi iz posebnih kriterija nisu obavezni ali će se dodatno vrednovati prilikom izbora korisnika:

1. ranija korištenost/nekorištenost finansijskih sredstava ili drugih oblika pomoći za održivi povratak (dostaviti izjavu ovjerenu od strane općinske službe za ovjeru potpisa ili kod notara, čiju će tačnost Ministarstvo provjeriti u internoj bazi podataka kao i kod svih relevantnih institucija i drugih mogućih donatora);
2. biznis plan – projekat za djelatnost, sa priloženim dokazima o postojećoj imovini i resursima potrebnim za djelatnost, kao što su: zemljište, objekti i druga materijalna sredstva te specifikacijom potrebnog materijala, predmjerom i predračunom radova za projekte obnove i izgradnje objekata;
3. broj povratničkih domaćinstava/povratnika kojima će projekat koristiti (dostaviti spisak povratničkih domaćinstava sa brojem članova svakog domaćinstva ili neki drugi dokaz o broju povratnika);
4. ostali izvori prihoda za sufinansiranje projekta od strane drugih donatora (dostaviti adekvatan dokaz);
5. bilans stanja i bilans uspjeha za 2010. i 2011. godinu.

7. Način izbora korisnika

Izbor projekata i korisnika pomoći po osnovu ovog Javnog oglasa će vršiti Komisija koju je imenovao federalni ministar raseljenih osoba i izbjeglica.

Komisija će razmatrati prijave u skladu sa "Procedurama za izbor korisnika pomoći održivog povratka u cilju zapošljavanja povratnika u RS" koje će donijeti federalni ministar raseljenih osoba i izbjeglica, te u skladu sa odredbama ovog Javnog oglasa.

Obrazac prijave je dostupan na web stranici Ministarstva www.fmroi.gov.ba, ili se može preuzeti lično u prostorijama Ministarstva na adresi Terezije 56. Sarajevo

Dostavljanje prijava/zahtjeva/projekata se vrši preporučeno poštom ili lično, u zapečaćenoj koverti na adresu:

***Federalno ministarstvo raseljenih osoba i izbjeglica
Alipašina 41, 71000 Sarajevo***

**sa naznakom „Prijava na Javni oglas za programe pomoći održivog povratka u cilju
zapošljavanja povratnika RS ”**

(Na poleđini koverta navesti naziv/ime i prezime podnosioca, tačnu adresu i kontakt telefon)

Javni oglas ostaje otvoren 20 dana od dana objavljivanja

Nepotpune, neblagovremene i prijave za programe pomoći koji nisu specificirani u članu 1. ovog oglasa neće se uzimati u razmatranje.

Dodatne informacije mogu se dobiti na tel: 033/201-756 i 033/205-543

POSEBNA NAPOMENA

Potencijalni korisnici koji se nalaze na utvrđenim rang listama iz 2011.godine imat će prioritet u rješavanju do kraja 2012. godine, u skladu sa raspoloživim sredstvima.

MINISTAR

mr. Adil Osmanović

Broj: 03-36-2- 339-1 /12
Sarajevo, 04.04.2012.godine